

ARTIGO 1. FUNDAMENTO E NATUREZA.

En uso das facultades concedidas polos artigos 133.2 e 142 da Constitución e polo art. 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello da Coruña establece a Taxa por prestación do servizo de recollida e tratamento de lixo e residuos sólidos urbanos, a que se refire o artigo 20.4s) do propio real decreto legislativo, que se rexerá pola presente ordenanza fiscal, cuxas normas atenden ao previsto no art. 57 do citado real decreto legislativo.

ARTIGO 2. FEITO IMPOÑIBLE

1. Constitúe o feito impoñible da taxa a prestación do servizo de recepción obrigatoria de recollida e tratamento de lixo domiciliario e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas ou de servizos.

Considéranse incluídos nos servizos obxecto de gravame:

1. A limpeza de soares ou locais cuxos ocupantes se negan ou se resistan á orde de efectuala.
2. A retirada de lixo, escombros e residuos que aparezan abandonados na vía pública.
3. A recollida de mobles, utensilios e trastes inútiles, escouras e cinzas de calefaccións e calquera outro produto ou material nos casos en que se solicita a prestación dos servizos municipais de recollida de lixo e residuos.
4. Os refugallos e residuos producidos en establecementos industriais e comerciais.
5. A utilización dos vertedoiros municipais para o depósito e a eliminación dos residuos que non fosen realizados polo servizo de limpeza.

2. Cando un ben inmueble se destine conxuntamente a vivenda e ao exercicio dunha actividade económica, a taxa xérase e existe a obriga de contribuír conforme aos dous feitos impoñibles de forma separada aínda cando se refiran ao mesmo obrigado tributario, ao gravarse a prestación dun servizo que se orixina por dous supostos diferenciados: o uso do inmueble como vivenda habitual e o desempeño dunha actividade económica. Para fixar a tarifa aplicable neste último suposto, computarase a superficie do ben na que se exerza a actividade de que se trate, sempre que esta non sexa un despacho profesional.

Presúmese a utilización do servizo cando existe posibilidade de habitar a vivenda ou de usar o local por contar con calquera dos servizos de subministración de auga, enerxía eléctrica ou rede de sumidoiros.

Neste suposto, a taxa xérase e nace a obriga de contribuír o primeiro día de cada ano natural, calquera que sexa o tempo de duración do aproveitamento dentro do exercicio.

3. Nos supostos de prestación de servizos obrigatorios por instancia de parte, a taxa xérase ao prestarse o servizo, sen prexuízo de ingresar previamente o seu importe en concepto de depósito previo no momento de realizar a solicitude de prestación do servizo.

ARTIGO 3. OBRIGADO TRIBUTARIO.

1. Son obrigados tributarios, en concepto de contribuíntes, as persoas físicas e xurídicas e as entidades a que se refire o art. 35.4 da Lei xeral tributaria, que ocupen ou utilicen as vivendas e locais situados nos lugares ou vías públicas en que se preste o servizo, xa sexa a título de propietario, usufrutuario, habitacionista, arrendatario ou precarista. Cando se trate de servizos prestados despois da solicitude previa, será suxeito pasivo o solicitante ou causante da prestación.

En caso de vivendas ou locais nos que a cota se recade a través do recibo da Empresa Municipal de Augas, presumirase que é obrigado tributario o titular do abono ao citado servizo, e no caso de establecementos comerciais, a persoa a cuxo nome presentouse a comunicación previa ou a declaración responsable ou no seu caso a cuxo nome figure a licenza de apertura e os restantes tributos municipais que gravan a actividade desenvolvida.

2. Serán responsables solidarios da débeda tributaria as persoas ou entidades a que se refire o artigo 42 da Lei xeral tributaria.

3. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o art. 43 da Lei xeral tributaria.

ARTIGO 4. BENEFICIOS FISCAIS.

1. Tributarán por cota cero, na tarifa de vivenda, os contribuíntes beneficiarios da Renda de Inserción Social de Galicia e os acollidos a réximes protectores de carácter público análogos ao mencionado e aqueles suxeitos pasivos que acrediten que os ingresos familiares, obtidos por calquera concepto, non rebasan o Indicador Público de Renda de Efectos Múltiples (IPREM).

2. Naqueles casos nos que o suxeito pasivo acredite que os ingresos familiares, obtidos por calquera concepto, non rebasan a cantidade de multiplicar o Indicador Público de Renda de Efectos Múltiples (IPREM) por 1,5, a cota tributaria será o resultado de multiplicar o coeficiente de 0,25 pola tarifa prevista para as vivendas.

Para ter dereito á obtención destes beneficios, o interesado deberá cumprir os seguintes requisitos:

- Que o suxeito pasivo sexa titular do contrato de subministro de auga con EMALCSA.
- Que o suxeito pasivo se encontre empadroado e resida na vivenda para a que solicita o beneficio.
- Os ingresos familiares entenderanse como ingresos na unidade convivencial, entendendo por tales os dos empadroados así como aqueles que residan habitualmente na vivenda e poidan xustificarse por calquera medio válido en Dereito. Os efectos do cálculo dos ingresos

consideraranse os do exercicio da solicitude da bonificación no caso de pensións ou prestacións sociais e os do exercicio anterior no caso de salarios ou outros rendementos. Estes exercicios serán os de comparación co IPREM.

3. Naqueles casos nos que o suxeito pasivo acredite a utilización dun composteiro entregado polos servizos municipais de medio ambiente para realizar compostaxe, a cota tributaria será o resultado de multiplicar o coeficiente de 0,5 pola tarifa prevista para as vivendas. Esta cota reducida terá unha vixencia máxima dun ano natural.

As solicitudes para a aplicación destas tarifas serán enviadas desde o departamento de Facenda aos Servizos municipais de Medio Ambiente que valorando que se reúnen os requisitos esixidos, formularán o informe sobre a súa concesión.

A resolución correspóndelle á Xunta de Goberno Local, sen prexuízo das delegacións outorgadas por ésta.

ARTIGO 5. BASES DE GRAVAME E TARIFAS.

A) Para as vivendas utilizarase o sistema de cota fixa; igualmente para os despachos profesionais e de artistas, utilizarase o sistema de cota fixa. Os establecementos tributarán en función da actividade desenvolvida, da súa superficie e, no caso dos establecementos hoteleiros, do número de cuartos que posúen.

B) Tarifa xeral. Prestación xeral e obrigatoria.

1	Vivendas:	Ano	Trimestre
1.1	En rúa de 1ª e 2ª categoría	66,86	16,72
1.2	En rúas de 3ª e 4ª categoría	62,40	15,60
1.3	En rúas de 5ª e 6ª categoría	58,69	14,67
2	Actividades comerciais, recreativas, profesionais e outras: EUROS/ANO		
2.1	Despachos profesionais e artistas		68,94
2.2	Comercio en xeral, bancos, seguros, clínicas e hospitais e, en xeral, actividades non comprendidas noutros apartados destas tarifas.		
2.2.1	Ata 20 m2 de superficie		85,21
2.2.2	De 21 a 100 m2		135,64
2.2.3	De 101 a 200 m2		184,46
2.2.4	De 201 a 400 m2		310,58
2.2.5	De 401 a 1.000 m2		518,06
2.2.6	Máis de 1.000 m2, por cada 1.000 m2 ou fracción de exceso		298,38

2.3 Os garaxes e aparcadoiros, sempre que neles non se desenvolva ningunha outra actividade, aplicarán, sobre as tarifas anteriores un coeficiente de 0'5. Non estarán suxeitos á taxa os garaxes anexos ás vivendas unifamiliares e aos locais de negocio, sempre que aboem a cota correspondente á vivenda ou local ao que están unidos.

2.4 Ás actividades de perruquería, xastrería e confección que se desenvolvan nas vivendas dos titulares da actividade, aplicaráselles un coeficiente corrector do 0'5 sobre a cota que resulte en función da superficie utilizada, sempre e cando aboem, ademais, a cantidade que corresponde á vivenda.

2.5 Os edificios e locais ocupados por dependencias das administracións públicas e os seus organismos autónomos, que estean suxeitos ao pagamento da taxa, verán reducida a súa cota pola aplicación dun coeficiente 0'5 sobre a cantidade que resulte da aplicación da tarifa xeral.

2.6 Garaxes ocupados por dependencias das administracións públicas e os seus organismos autónomos será reducida a súa cota pola aplicación dun coeficiente do 0,75.

3	Hostalería.	EUROS /ANO
3.1	Hoteis, moteis, residencias, pensións, fondas, casas de hóspedes e establecementos análogos dedicados exclusivamente á hospedaxe, e que poidan servir almozos pero non outra clase de comidas. Por habitación	10,33
3.2	Os mesmos establecementos citados no epígrafe anterior, se serven comidas. Por habitación	20,65
3.3	Restaurantes, cafeterías, bares, tabernas e establecementos análogos:	
3.3.1	Ata 20 m2 de superficie	184,46
3.3.2	De 21 a 100 m2	267,16
3.3.3	De 101 a 200 m2	357,15
3.3.4	De 201 a 400 m2	615,77
3.3.5	De 401 a 1.000 m2	857,11
3.3.6	Máis de 1.000 m2, por cada 1.000 m2 ou fracción de exceso	495,00

3.4	Salas de festa, baile e similares:	
3.4.1	Ata 100 m2	280,76
3.4.2	De 101 a 200 m2	340,41
3.4.3	De 201 a 400 m2	674,43
3.4.4	De 401 a 1.000 m2	979,28
3.4.5	Máis de 1.000 m2, por cada 1.000 m2 ou fracción de exceso	564,19
3.5	Casinos, bingos, salas de xogo e similares:	
3.5.1	Ata 50 m2	185,52
3.5.2	De 51 a 100 m2	278,21
3.5.3	De 101 a 200 m2	370,95
3.5.4	De 201 a 400 m2	637,58
3.5.5	De 401 a 1.000 m2	869,41
3.5.6	Máis de 1.001 m2, por cada 1.000 m2 ou fracción de exceso	579,58
4	Espectáculos. Salas de teatro, cinematógrafo e similares	591,21
5	Centros de ensino:	
5.1	Ata 20 m2	92,78
5.2	De 21 a 100 m2	170,42
5.3	De 101 a 200 m2	216,31
5.4	De 201 a 400 m2	366,22
5.5	De 401 a 1.000 m2	518,16
5.6	Máis de 1.000 m2, por cada 1.000 m2 ou fracción de exceso	202,89
6	Industrias, fábricas, talleres e similares:	
6.1	Ata 25 m2	89,31
6.2	De 26 a 50 m2	133,55
6.3	De 51 a 100 m2	170,42
6.4	De 101 a 200 m2	216,31
6.5	De 201 a 400 m2	345,42
6.6	De 401 a 1.000 m2	511,11
6.7	De 1.001 a 2.000 m2	678,15
6.8	Máis de 2.000 m2, por cada 1.000 m2 ou fracción de exceso	154,21

6.9 Cando a actividade desenvolvida teña a cualificación de artesanía de acordo co disposto nas normas que regulan o Imposto sobre Actividades Económicas, sobre a cota resultante de aplicar as anteriores tarifas, aplicarase un coeficiente de 0'5.

Para determinar a superficie dos locais computarase a que resulte de sumar a totalidade das plantas ou pisos das naves ou edificios.

7 Utilización obrigatoria dos servizos municipais de eliminación e tratamento de residuos:

7.1 Por cada T.m. ou fracción de residuos urbanos debidamente segregados, entregadas directamente á Planta de Tratamento de Residuos Urbanos de Nostión, non procedentes de residuos municipais:..... 66,00 €.

Esta tarifa aplicaráselle un coeficiente de 0,5 para o caso de que se trate de residuos admisibles en Planta entregados por ONG,S vinculadas á recuperación de materiais mediante o seu reparación e posterior venda, tales como mobles, roupa, chatarras, etc

ARTIGO 6. PERÍODO IMPOSITIVO E COBRANZA DE COTAS.

1. O período impositivo coincidirá co ano natural e a el refírense as cotas sinaladas nas tarifas do art. 5 desta ordenanza. Tales cotas non son reducibles, salvo nos casos en que a declaración de alta ou baixa na prestación do servizo non coincida co ano natural, en cuxo suposto as cotas calcularanse proporcionalmente ao número de trimestres naturais que restan para finalizar o ano, incluído o do comezo ou finalización do exercicio da actividade. Así mesmo, a devolución das cotas trimestrais a que teña dereito o suxeito pasivo nos casos de baixa na prestación do servizo, deberá ser solicitada por este, e tramitarse conforme ás normas que rexen a devolución de ingresos. Cando a taxa se recade por medio dos recibos expedidos por EMALCSA, na forma que se prevé no número seguinte, a cota fraccionarase por trimestres, e non será reducible.

2. A cobranza poderá realizarse en recibo conxunto coa taxa de rede de sumidoiros e a prestación patrimonial polo servizo de abastecemento domiciliario de auga potable, e estarán obrigados ao pago as persoas que constan como titulares da vivenda ou local para os efectos de

prestación do citado servizo de augas, de conformidade co disposto no art. 3 desta ordenanza. A alta no servizo de augas implica a correlativa inclusión no Padrón de Recollida de Lixo.

No caso dos establecementos en que se realicen actividades distintas da habitación das persoas, as declaracións de altas, baixa ou modificación deberán de presentarse mediante o impreso correspondente ou no caso de inicio ou cambio de titularidade dunha actividade, formularase conxuntamente coa solicitude de licenza de actividade, cambio de titularidade ou comunicación responsable. Nestes casos a cobranza poderá realizarse conxuntamente con outros tributos municipais que recaian sobre a actividade realizada ou o local no que se exerce. Cando a alta, baixa ou variación do Padrón se deriva de solicitude ou declaración presentada polo interesado e a liquidación resultante non modifica os datos consignados polo propio obrigado tributario, non será necesaria a notificación expresa da alteración de bases.

3. As cotas correspondentes a recollidas realizadas por causa ou por petición de parte interesada e os vertidos liquidaranse e faranse efectivas nas oficinas municipais. Ao abeiro do establecido no art. 26 do Real decreto legislativo 2/2004, do 5 de marzo, esixirase o depósito previo do seu importe no momento de formular a correspondente solicitude. Cando sexa imposible determinar a contía con carácter previo, deberán ingresarse inmediatamente despois de realizado o servizo, xa que noutro caso suspenderase inmediatamente a súa prestación sen prexuízo de proseguir a vía de prema para obter a súa recadación.

4. O Concello poderá establecer o réxime de autoliquidación nos supostos en que sexa aplicable.

ARTIGO 7.

Os servizos especiais que teña que prestar o Concello, directamente ou por medio dos seus concesionarios, solicitaranse por medio dunha instancia dirixida ao Alcalde en exemplar triplicado que se facilitará na oficina municipal de información.

ARTIGO 8. INFRACCIÓN E SANCIÓN TRIBUTARIAS.

En todo o relativo á cualificación de infraccións tributarias, así como das sancións que a elas correspondan estarase ao disposto nos artigos 77 e seguintes da Lei xeral tributaria e na Ordenanza xeral de xestión.

DISPOSICIÓN TRANSITORIA

Primeira: A partir do 1 de xaneiro e ata o 31 de marzo do 2020 poderán presentarse solicitudes para que sexan de aplicación no exercicio 2020, os beneficios fiscais regulados nos apartados 2 e 3 do artigo 4 da presente Ordenanza. Unha vez rematado dito prazo, as solicitudes terán efectos para o período impositivo seguinte.

DISPOSICIÓN FINAL.

A presente ordenanza fiscal, que consta de oito artigos, foi aprobada polo Pleno na sesión realizada o 07 de novembro do 2019, entrará en vigor o día 1 de xaneiro do 2020 e permanecerá en aplicación ata que se acorde a súa modificación ou derogación.